



UNIVERSITI
TEKNOLOGI
MARA

Cawangan Perlis
Kampus Arau

Buletin InTouch

@ UiTM Cawangan Perlis

Edisi:
2022

Mendukung Misi GRU2025

Fokus Utama Amanat Rektor
UiTM Cawangan Perlis Bagi
Tahun 2022

Menarik di dalam



UiTM Cawangan Perlis Jalin Kerjasama
Bersama Korea Sports Promotion Foundation
(KSPO) Korea Selatan



Program Hari Hutan Sedunia (21 Mac),
Hari Air Sedunia (22 Mac) dan Ulang Tahun
Penubuhan Trash Hero Perlis Yang Ke-3



UiTM Cawangan Perlis Jalin Kongsi
Kepakaran Kepada Komuniti
Orang Asli Melalui ESKOM
2022



Majlis Menandatangani Memorandum
Perjanjian (MoA) Antara Universiti
Teknologi MARA (UiTM) Dengan
Universitas Gajah Mada (UGM)
Indonesia

PROJEK KOTAK KEBAIKAN RAMADHAN & PROJEK KURMA

DARI UNIT MAKMAL SAINS KEPADA KOMUNITI DAN WARGA KAMPUS

Oleh:
Noriah Hassan

Projek Kotak Kebaikan Ramadhan adalah satu usaha memberi kegembiraan dan meringankan beban masyarakat yang memerlukan sempena menyambut Ramadhan. Sebanyak 30 kotak Kebaikan Ramadhan mengandungi bahan dapur disediakan. Projek Kurma pula merupakan aktiviti tahunan yang dijalankan oleh Kindness Malaysia sepanjang bulan Ramadhan. Kedua-dua projek ini adalah projek kerjasama di antara Unit Makmal Sains (UMS), Hal Ehwal Akademik UiTM Cawangan Perlis bersama Kindness Malaysia. Projek kerjasama ini merupakan projek keempat UMS Hal Ehwal Akademik bersama Kindness Malaysia. Projek terdahulu yang telah dijalankan bersama adalah Projek Kurma (2021), Projek Baginda (2021) dan Projek Solat Kit (2020).

Perlaksanaan projek komuniti ini merupakan satu khidmat sosial dari pihak staf makmal bagi menterjemahkan objektif universiti seperti memberi peluang kepada warga UiTM untuk berkomunikasi dan bekerja sebagai satu pasukan, selain menerapkan nilai dan etika masyarakat serta mengalakkan penglibatan warga UiTM dalam pembangunan komuniti secara pengkongsian pintar yang melibatkan pertubuhan bukan kerajaan.

Sukarelawan terdiri daripada 25 kakitangan UMS. Sukarelawan telah melakukan tinjauan dan menentukan lokasi edaran kurma serta menjalankan kajian kes bagi menentukan sasaran penerima kotak kebaikan. Projek bermula pada 21/4/2022 hingga 27/4/2020 di mana penerima manfaat Kotak Kebaikan adalah golongan asnaf, kehilangan pekerjaan dan B40 di sekitar Perlis serta Pusat Zakat UiTM Cawangan Perlis. Edaran kurma pula dilakukan di sekitar kampus dan semasa Program Bubuk Lambuk Perdana UiTM Cawangan Perlis. Selain itu, edaran kurma dilakukan di Food Bank Malaysia, surau, masjid dan Maahad Tahfiz di Kedah dan Pulau Pinang.

